

國家圖書館藏

綫裝書局

中華歷史人物別傳集

唐宋名臣筆錄



唐宋名臣筆錄序

曾桂五

關以內山水之勝棧林桀秀
余敏叩輒歎罪巍泖渫鍾儁
謐奇必磊砢英多及按郡乘
乃知郭汾陽冠忠愍咸舉人
云兩公將相之業唐宋二史
載之詳矣里中東體忱氏奕
葉詞林儲書萬卷綜搜野史
捃摭餘芬類列條鋪用補史
闕孫文學憲明纘而成之序
次躋躋文獻在茲先余道舉
輒揖見南玼郭胤伯王季安

東雲雛諸子爲余稱是書而
時以戎務未竟讀也因羨舉
人多著異書于此徵一斑矣
直指梁公膺

簡命撫賑秦黎說郭寇里低徊
愾慕異代同懷咨獲斯錄忻

唐宋名臣筆錄 天序

付剗剗洵勝舉哉竊欽兩公
在前代功名赫赫令公身任
安危者四十年富貴壽考哀
榮終始萊公居宰相三十年
不營私第面折廷諍決策澶
淵卒以剛正被陷郭多嗣胤

而寡詞章寇多詞章而寡嗣
胤雖著履不同其有功社稷
一也筆錄一出敗圭碎璧合
成至寶膾炙兩公者入庖而
飫過糟而醉矣藉非傳收廣
擷則兩公之懿範嘉謨自正

唐宋名臣筆錄 八序

三

史而外銷沉于殘烟緒雨者
何可勝數然則筆錄一書不
當與正史相異而行哉今三
秦多故蒼生載溺

梁公且欲起兩公而拯扶之
今刊斯書之意蓋心兩公之

心而以救溺爲念者歟玄曰
小子在淵丈人播舩其是之
謂矣刊旣竣因歎械林文獻
之里先後諸詞人接踵而起
好奇著書經百年遇名世而
始顯無乃郭寇有靈藉手于

後代之畸人傳之抑名世之
臣古今同慨其有所深契而
然邪

肯

崇禎乙亥三月穀日之吉

賜同進士出身中憲大夫奉

敕整飭直隸潼關等處兵備兼

分巡關內道陝西提刑按察
司副使汶陽李燁然撰



唐宋名臣筆錄序

直指梁公啣

命賑我關中將竣事駐節舉下
間顧我于林壑惟公勤恤民
隱期綏靖我邦滅流氛而後
朝食咨謀度諷弗憚也嘗爲

唐宋名臣筆錄

六序

六

余言舉地面舉背渭形勢云
勝靈秀毓爲人才在唐宋朝
郭寇兩公最著當季勲業爛
狀高山仰止實所夙切茲祠
宇在焉將卜期展謁以慰生
平
餘檄郡守以序文

見委開卷讀之乃唐宋名臣

筆錄也原名郭寇隨筆易今

名志代也余知此書久爲余

里確山令東體忱先生編其

嗣孫憲明從而益之先後幾

百季矣東氏祖孫感兩公同

唐宋名臣筆錄

六序

武

里將相彪炳光昭奕世多聞

博綜輯傳未備片簡隻字如

獲珙璧汾陽裔郭伯玉氏較

而訂之今是書

獲覽

于直指公

者伯玉子若孫諸生仲敏民

藩也余因嘆汾陽王再造唐

室爲禡稷臣訓兵禦侮中興
立奏一時斥抑委任恤撫薄
弛彼何時哉而國威以振塵
坳如埽帝猶謂用尚父之晚
太宗臨軒顧問陳利害引帝
衣爲一時器重渭北一使安
撫族帳至澶州之幸取威決
勝飲博歌謔藉菜公以無憂
蓋鎖鑰北門實式賴之今
休明之代駕唐越宋而幸來外
虜內寇交訐決策定難方凭
軒而毗將相厥依所爲禡稷

功臣想望丰采如郭寇其人
者思深哉直指公有意乎兩
公筆錄也兩公嘉言懿行錄
文既著風厲斯宏而郭胤伯
東雲駒王君典王季安東雲
雖諸子皆一時詞士較讐復
精付之剞劂可以傳矣噫如
直指公者盱衡往哲加意文
獻亟圖表章毋令湮滅俾後
之人咸以景行無斁厥功偉
哉
崇禎八年乙亥仲春望日

賜同進士出身山東等處提刑

按察司按察使前侍

經筵禮科都給事中里中後學

林居孫紹統撰



唐宋名臣筆錄

五

唐宋名臣筆錄採用書目

卷之一

唐語林

杜陽編

乾膳子

青瑣高議

卓異記

神仙感遇集

南部新書

唐宋名臣筆錄

目錄

雲仙散錄

舊唐書

五色線

師友談記

因話錄

封氏見聞記

談賓錄

資暇集

容齋隨筆

晁氏客語

張文潛文集

顏魯公文集

遊城南記

樂史序

百將傳

郭氏舊史記

王彰汾陽王碑

楊綰汾陽王妻霍國夫人碑

唐宋名臣筆錄

目錄

卷之二

談苑

春明退朝錄

談圃

王文正公遺事

丁晉公談錄

言行錄

仁宗實錄

湘山塾錄

后山談叢

夢溪筆談

歸田錄

補筆談

倦遊雜錄

塵史

清波雜志

石林詩話

詩話總龜

唐宋名臣筆錄

目錄

菰林伐山

廣川詩跋

孫抃萊公碑

王次公詩序

范雍詩序

王元之畫像序

萊公遺事

唐宋名臣筆錄序

舉州古鄭地也舉山南峙渭水北環靈秀攸鍾
篤生賢哲代不乏人乃其最著唐宋則有郭冠
兩公云兩公者再造唐室鎖鑰北門將相之業
豈不彪炳史冊光昭奕世哉蓋卽田夫野叟莫
不知有郭冠兩公焉余生也後嚮邇餘芬竊于
稗官野史中復得兩公嘉言懿行薈叢成帙大
氏正史所弗載也嗚呼兩公往矣千百世之下
生於兩公之里者當何如以附兩公耶論世景

唐宋名臣筆錄

序

行其在茲矣

萬曆辛卯歲孟春里中後學東萊體忱撰

唐宋名臣筆錄卷之一

前確山令郡人東萊體忱編

孫東文彥續編

汾陽裔弘農郡倅郭 珂伯玉訂

郭子儀初從軍沙塞間入京催軍食廻至銀州
野宿夜見左右皆有赤光仰視空中輶車綉幄
有美女坐床垂足自天而下子儀拜祝云今七
月七日必織女降臨願賜長壽富貴女笑曰大
富貴亦壽考言訖冉冉昇天正視子儀良久而
隱大曆初子儀鎮河中疾甚三軍憂懼子儀謂
御醫及幕賓王延昌等曰吾疾自知未到衰殞
因話所遇衆稱賀忻悅後果拜尚書令尚父年
九十薨

郭子儀曾將出見脩宅者謂曰好築此牆勿令
不牢築者釋錘而對曰數十年來京城達官家
牆皆某所築祇見人自改換牆今見在令公間
之愴然動心遂入奏其事因固請老

郭子儀身長七尺二寸微時李白客并州於哥

舒翰座上見之曰此壯士目光如火照人不十年當擁節旄屢脫其刑責翰因署爲牙門將後子儀勘定安史之亂歷諸道節度及永王璘反事于李白子儀請以官爵贖免上許之

代宗以御馬九花虬賜子儀卽范陽節度使李德心所貢額高九寸毛拳如鱗頭頸鬃鬣真虬龍也每一嘶則群馬聳耳以身披九花紋故號九華虬

汾陽王未貴顯時一日有故宿郊外田舍家月

唐宋名臣筆錄卷之六

二

色朦朧田舍家垣籬疎缺公繫馬于茅軒前卧不成寐遽聞墻下有人嗽聲不見其形又榻下有人呼燭下人曰吾二人各直一更至深更有盜馬出垣外公謂田舍翁俄兩人遽出繫其盜曰爾何人敢盜汾陽王馬竟執以歸公後果建大功加尚父女適公侯男尚公主門下吏俱爲卿相僕使建節者數人居家三百口三十年無緦麻服唐室第一人而已

郭子儀病百官造省不屏姬妾及盧杞至則屏

之隱几而待家人怪問其故公曰彼外廨內險左右見必笑使後得權吾族無類矣

郭汾陽鎮蒲欲造浮橋而激流毀墾公酌酒許以小女妻之其父水回未至墾上遂成橋而女尋卒因墾廟中人因立公祠號河瀆親家翁

代宗獨孤后薨贈貞懿皇后將葬王在邠州以其子尚主之故欲致祭遍問諸從事皆云自古無人臣祭皇后之儀汾陽曰此事湏得柳侍御裁之卽以書詔之既至汾陽迎笑曰有公事湏

唐宋名臣筆錄卷之一

三

籍侍御爲之遂說祭事侍御初亦對如諸君旣而曰禮緣人情令公勲德不同常人且又爲國姻戚自令公始亦爲得宜汾陽曰正合子儀本意侍御草祭文其官銜之首稱駙馬都尉郭曖父具官某其中叙特恩許祭之意辭簡禮備汾陽覽之大喜其文曰維某年月朔日駙馬都尉郭曖父關內河東副元帥司徒兼中書令汾陽郡王臣子儀謹遣上都進奏院官傳濤敢昭告於貞懿皇后行宮伏惟德曜坤靈明齊月魄母

儀萬國化洽六宮光輔聖人贊成陰教載榮史冊式播誦誼奄遘聖日上僊靈界遐邇痛憤宮闈哀慕臣幸忝諸親男尚貴主天人之美鞠育所鍾姻戚光榮宗族咸戴今園陵禮俗祖載及期臣限守方鎮不獲陪臣行宮瞻望靈駕何勝推慕伏荷皇恩眷以國戚許申祭禮超越等夷古今所絕獨開聖造無任惶悚銘戴之至

代宗以尚父勲高連姻帝室常呼爲大臣而不名每中使內人往來必詢其門內休戚尚父二

唐宋名臣筆錄

卷之一

四

愛姬嘗競寵爭長論其公私佐助之功忿媚不相面尚父不能禁上知之賜金帛及簪環命宮人載酒以和之方飲令人歌以送一姬怒未解歌未發遽引滿置觴於席曰酒盡不須歌

汾陽在邠州嘗奏一州縣官而敕不下判官張曇言於同列以令公勲德而請一吏致阻是宰相之不知體甚也王聞之謂寮屬曰自艱難以來朝廷姑息方鎮武臣求無不得是以方鎮跋扈使朝廷疑之以致如此今子儀奏屬官不過

是祈請不當聖上恩之親厚不以武臣待子儀諸公可以見賀矣聞者皆服其忠

王在河中禁無故走馬犯者死南陽夫人乳母子抵禁都虞侯杖煞之諸子泣告虞侯橫王叱遣之謂寮屬曰諸子皆奴材也遂告以故曰伊不賞父執法之都尉而惜母之阿奶兒子儀之

子真奴材

乾元元年郭子儀破賊河上遂朝京師詔百官迎於長樂驛帝御望春樓待之

唐宋名臣筆錄

卷之一

五

郭汾陽辟杜黃裳佐朔方府汾陽入朝使主留後諸將驕蹇者皆以汾陽令易置衆不敢亂唐詔子儀李光弼等九節度之師討安慶緒帝以子儀光弼俱元勲難相統屬不立元帥大曆二年正月丁巳子儀討周智光已未同華將李漢惠以同州降甲子周智光伏誅淮西節度使李忠臣入於華州戊寅給復同華州郭子儀鎮汾陽時殿中柳并掌書記時柳君有母汾陽王每大譙常戒左右曰柳侍御大夫人

就棚可先來告及趙夫人與至王降皆與僚屬序立候至棚而退嘗謂柳君曰子儀勿孤不識奉養今日幸忝恩寵踰望雖爲貴盛實無侍御之榮因鳴咽久之又曰若太夫人許顧子儀家當使南陽夫人以下執爨子儀捧饌趙夫人以清潔自居終不往

郭子儀身任安危者四十年檢中書令考二十四年富貴壽考哀榮終始

唐安思順爲朔方節度使時郭汾陽李臨淮俱

唐宋名臣筆錄

卷之一

六

爲牙門都將二人不相能雖共食相視不交一言及汾陽代思順臨淮欲亡未決旬日詔臨淮汾陽率兵東出趙魏臨淮入曰一死固甘乞免妻子汾陽趨下執手上堂曰今國亂主遷非公不能東伐豈懷私忿及別執手泣涕勉以忠義平賊定二公之力

后代宗卽位內官程元振忌嫉宿將郭子儀巧

離間請罷副元帥子儀既謝恩上表進肅宗

賜前後詔勅曰自陳訴曰陛下曲垂惠獎念

及勤勞貽臣詔書一千餘首聖旨微婉慰諭綱繆彰微臣一時之功誠子孫萬代之寔自靈武河北河南彭原鄜坊河東鳳翔兩京絳州臣所經行賜手詔勅書凡二十卷昧死上進庶煩聰覽詔答曰朕不德不明俾大臣憂疑朕之過也郭子儀自涇陽入朝帝御安福門待之命樓上行朝見禮宴賜隆厚

郭子儀等八人斬史朝義首以獻河北平以元帥功拜子儀等八人圖於凌煙閣

唐宋名臣筆錄

卷之一

七

唐九節度圖賊相州以魚朝恩爲觀軍容使郭子儀有定天下大功居人臣第一朝恩心妬之乘相州敗醜爲詆譖肅宗不納然猶罷子儀兵軍京師代宗立與程元振一口加毀帝未寤子儀憂甚俄而吐蕃陷京師卒用其力王室再安朝恩內慙

郭子儀上元初詔爲諸道兵馬都統令奉諸鎮師徑拒范陽詔下旬日爲魚朝恩所間事竟不行永泰元年以子儀都統河南節度使出鎮河

東

郭子儀爲京城留守變生倉卒賴子儀復安帝曰子儀固社稷臣因勞曰用卿晚故至此乃賜鉄券圖形凌煙閣

郭子儀射主將王撫自署京兆尹亂京城子儀斬以徇帝以子儀爲京城留守變生倉卒賴以復安

唐代宗以郭子儀爲尚書令子儀讓以太宗昔居此官累聖相承曠而不置詔不允勅令宰相

唐宋名臣筆錄

卷之一

八

百官於尚書省送上子儀復來讓不受

郭子儀入朝上命元載王縉魚朝恩等互置酒於其第一會之費至十萬緡

公屯絳州時帝已不豫引卧內帝賜綃布九萬公奏雒陽東簿鄭至南界徐北綿懷衛及相千里蕭條亭舍不煙

唐代宗廣德元年吐蕃犯便橋副元帥郭子儀與大將李忠義渭北節度使王仲昇克復京師吐蕃大潰上還宮闕圖功臣於凌煙閣上因圖

子儀曰安祿山僭亂中原是卿再安皇祚朕昨蒙塵卿復戮力今日天下乃卿與我也雖圖氛不足以褒元老曰泣下濡衣子儀伏於上前嗚咽流涕曰老臣無復致命矣但慮衰老不堪王事伏賴陛下宗廟社稷之靈以成微續耳上因命御馬九花虬並紫玉鞭轡以賜子儀子儀知九花之異固陳讓者久之上曰此馬高大稱卿儀質不必讓也

郭汾陽每遷官則面長二寸額有光氣自己乃復

唐宋名臣筆錄

卷之一

九

郭汾陽語子弟曰西陽至寶方小兒之司命不可不讀

唐人功名富貴之盛未有出汾陽右者其女孫爲憲宗正妃歷五朝母天下終以不得志于宣宗而死自是支胄不復振及本朝宋真宗慶曆四年訪求厥後僅得裔孫元亨於布衣中以爲永興軍助教歐陽公知制誥行其詞曰繼絕世褒有功非惟推恩以及遠所以勸天下之爲人

臣者焉况爾先王名載舊史勲德之厚宜其流澤於無窮而其後裔不可以廢往服新命榮于厥家且以二十四考中書令之門而需一助教以爲榮吁亦淺矣乃知世祿不朽如春秋諸國至數百年者後代不易得也

代宗卽位郭汾陽爲近詔所挫懼禍之及表上自靈武河北至於絳州兩朝所貽詔書一千餘卷家傳載其表語其多如是

代宗時回紇吐蕃合兵入寇郭子儀單騎見回

唐宋名臣筆錄卷之一

十

紇復與之和諸酋長皆大喜日向以二巫師從軍巫言此行甚安穩不與唐戰見一大人而還今果然矣郭公是時年七十乃知羗戎畏服老將如此

郭曖嘗與昇平公主琴瑟不調曖罵公主曰倚乃父爲天子耶我父薄天子不爲主恚入奏上曰使不嫌天子社稷豈汝家有也因泣下命公主還尚父拘曖請朝堂待罪上召而慰之曰諺云不癡不聾不作阿家阿翁小兒女閨闈之言

大臣安用聽錫賚遣之尚父杖曖數十而已

郭子儀爲中書令觀容使魚朝恩請遊張敬寺子儀許之丞相意其不相得使吏諷請君無往邠吏自中書馳告郭公軍相將不利于公亦告諸將湏魚朝恩使至子儀將行士衣甲請從者三百人子儀怒曰我大臣也彼非有密旨安敢害我若天子之命爾曹胡爲獨與童僕十數人赴之朝恩侯之驚曰何車騎之省也子儀以所聞對且曰恐勞思慮耳朝恩撫胸捧手嗚咽揮

唐宋名臣筆錄卷之一

十一

涕曰非公長者得無疑乎

公子弘廣常與親仁里大啓其第里巷負販之人上至公子簪纓之士出人不問至夫人趙氏愛女方梳粧對鏡往往公麾下將吏出鎮去及卽吏皆令汲水持輓與僕隸無間他日子弟集列啓諫公三不應繼之以泣曰大人功業已成而不自崇重以貴以賤皆遊卧內雖伊霍不當如此也公笑謂曰爾曹固非所料吾官馬食粟者五百匹官餼者一千人進無所往退無所據

向使崇垣扃戶不通內外一怨將起搆以不臣貪功害能之徒成就其事則九族齏粉噬臍莫追今蕩蕩無間四門洞開雖讒毀何加也諸子皆服

辛雲景曾爲公吏使後除潭州都督將辭累日不獲見夫人王氏及趙氏愛女乃謂雲景曰汝第去吾爲汝言雲景拜於庭夫人傳粉於內曰吾大喜且喜汝得喫飯處趙氏愛女臨皆濯手令雲景汲水夫人曰放伊去雲景始趨而出

唐宋名臣筆錄

卷之二

三

永泰元年僕固懷恩卒諸蕃犯京畿子儀統衆禦之至涇陽虜已合子儀率甲士二千出入虜見而問曰此何人也報曰郭令公回紇曰令公在日懷恩謂吾天可汗已棄四海令公殂謝中國無主故某來今令公在天可汗在乎子儀報曰皇帝萬壽無疆回紇皆曰懷恩欺我子儀使諭之回紇曰令公若在安得見之子儀出諸將皆曰戎狄不可信也請無往子儀曰虜有數十倍之衆今力不敵柰何但至誠感神况虜乎諸

將請選鐵騎五百以從子儀曰此適足以爲害也乃傳呼曰令公來初疑皆持兵注目以待子儀乃數十騎徐出免胄勞之曰安乎父同忠義何至於是回紇皆捨兵降馬曰是吾父也

子儀身長七尺二寸貌秀傑於靈武加平章事封汾陽王加中書令圖形凌煙閣加號尚父配饗代宗廟庭有子八人婿七人皆重官郭曖尚昇平公主諸孫數十人每問安頷之而已事上誠蓋臨下寬厚每降城下邑所至必得志前後

唐宋名臣筆錄

卷之二

三

連羅幸臣等譖毀百端時方握強兵或臨戎敵詔命徵之未嘗危亡回顧亦遇天幸竟免患難田承嗣方跋扈很傲無禮子儀嘗遣使至魏州承嗣輒望拜指其膝謂使者曰此膝不屈人若干歲矣今爲公拜麾下老將若李懷光輩數十人皆王侯重貴子儀麾指進退如僕隸焉始光弼齊名雖威畧不見而寬厚得人過之歲入官俸二十四萬私利不預焉其宅在親仁里居其地四分之一通永巷家人三千相出入者不知

其居代宗不名呼爲大臣天下以其身存亡爲安危者殆二十年較中書令考二十四年權傾天下而朝不忌功蓋一代而主不疑侈窮人欲而君子不非富貴壽考繁衍安泰終始人倫之盛無缺焉慶年八十五

穆宗大漸內臣議請太后臨朝太后曰向者武后妖蠹幻惑高祖擅親庶政及中宗踐位蒙掩聖德遽行遷逮幾于革命賴宗社威祐神器耳復每聞其說未嘗不疾首痛心奈何今日吾兒

唐宋名臣筆錄

卷之二

十四

厭世卿等驟興此議我家九箇與武氏同流先祖汾陽王有社稷大勲我外氏門閥赫奕我禮賓帝室非復嬪嬙之比豈可汙彤管繼悖逆者邪今皇太子聰睿卿等各宜慎擇耆舊親侍左右遠屏邪佞勿令近密宰相任重德名賢凡內官勿干時政吾所願也遂取制裂之時太后兄針任太常卿聞其議密進疏於太后曰果爾此請當率子弟納官爵歸田園太后覽疏泣曰我祖盡忠於國餘慶鍾於我兄

太僕卿趙縱郭子儀婿也爲奴當千發其陰事下獄留當千於內侍省張鑑疏曰太宗謂侍臣曰比有奴告其主極弊法特須禁斷自後奴告主者盡令斬決頃者長安令李濟得罪因奴萬年令霍晏得罪因婢悖慢威風動遭誣告今趙縱下獄奴在禁中大體所關有乖教化上深納之縱於是左貶而已當千杖殺之鑑乃令召子儀家僮數百人以當千屍示之

唐宋名臣筆錄

卷之二

五

韓世忠之受兩鎮節鉞也高宗手書郭子儀傳賜之張俊奏事則又諭以子儀之事

憲宗懿安皇后郭氏汾陽王子儀之孫父曖尚昇平公主寔生后憲宗爲廣陵王聘爲妃順宗以其家大有功裂而母素貴故禮之異諸父是生穆宗元和元年進冊貴妃八年群臣三請立后帝以歲子午忌之是時後廷多嬖豔恐后得尊位鉗掣不得肆故章聞報罷穆宗嗣位上尊號皇太后贈曖太尉母齊國大長公主擢兄劍刑部尚書鑑金吾大將軍后移御興慶宮凡朔

望三朝帝率百官詣宮門爲壽或歲時慶問燕饗後宮戚里內外婦車騎駢擁環珮之聲滿宮帝亦豪矜朝夕供御務華衍侈大稱后意后嘗幸驪山登覽裴回詔景王督禁甲從帝自到昭應奉迎留帳飲數日還帝崩中人有爲后謀稱制者后怒曰豈效武氏邪今太子雖幼尚可選重德爲輔吾何與外事敬宗立號太皇太后實曆倉卒后召江王嗣皇帝位是爲文宗文宗性謹孝事后有禮凡羞果鮮珍及四方奇奉必先

唐宋名臣筆錄

卷之二

六

獻宗廟三宮而後御武宗喜畋游角武扑擇五方小兒得出入禁中他日間后起居從容請曰如何可爲盛天子后曰諫臣章疏宜審覽度可用用之有不可以詢宰相毋拒直言勿納偏言以忠良爲腹心此盛天子事也帝再拜還索諫章閱之多諫游獵事自是畋幸稀小兒武扑等不復橫賜矣宣宗立於后諸子也而母鄭故侍兒有曩怨帝奉答禮稍薄后鬱鬱不聊與一二侍人登勤政樓將自墮左右共持之帝聞不喜

是夕后暴崩有司上尊諡葬景陵外園太常官王皞請后合葬景陵以主祔憲宗室帝不悅令宰相白敏中讓之皞曰后乃憲宗東宮元妃事順宗爲婦歷五朝母天下不容有異議敏中亦怒周墀又責謂皞終不撓墀曰皞信孤直俄貶皞句容令懿宗咸通中皞還爲禮官申抗前論乃詔后主祔于廟

唐宋名臣筆錄

卷之二

十七

大曆中禁屠殺汾陽隸人殺羊裴謂尹京具奏之或言郭公有社稷功豈不爲益之裴笑曰非爾所解郭公权大盛上新卽位必謂黨附者衆吾今發其細過以明其不弄权用安大臣耳人皆是之

汾陽王家傳十卷晁氏曰唐陳雄撰雄本汾陽王郭子儀僚吏後又從事渾瑊幕府故傳不名第九卷錄行狀第十卷錄副佐三十三人大將三十七人曰忠武將佐畧

唐汾陽王西京留守前河東節度使郭子儀正紀考云十畧不允智勇無敵盪平諸郡力掃妖